



河州景忠錄

會州錄

績溪胡秉虔纂

曹在周

宋

景公諱思立普州人初陰主渭州今平涼府治平砦以功知德順軍

今靜寧州熙寧五年建古渭砦為通遠軍今鞏昌府使王韶字子純

西德安人知軍事以圖武勝本唐臨州武勝軍今秋道州治

神平堡源在今渭源縣境吐蕃酋穆爾舊作抹耳結舒克巴舊作水巴

覽等族入寇韶率兵度竹牛嶺在今秋道州東逼之斬首百餘級焚

其廬帳洮西震動會木征吐蕃置勒斯賚長子轄戩之子本居河州舊作瞎欺米征今據緝覽

而宋史英宗紀又作瞎沁密藏置勒斯賚舊作喃斯囉轄戩舊作瞎氈今皆據緝覽渡河來寇穆爾

復依其聲勢保集抹邦山在今秋道州朝廷詔公策應公遂以涇

原兵出南路分遣諸將一擊穆爾於南甲在今秋道州南一擊木征

於鞏令城吐蕃所築在今秋道州西南制二酋使不得動詔將大軍出東

谷河名流出渭源縣徑趨武勝賊迎戰敗首領恰約克舊作轄

緝遁餘眾悉降遂城武勝建為鎮洮軍尋升為既而木征亦

敗公西追渡洮築當川堡在今秋道州西南克和諾香子二城二城皆吐

蕃所築和諾城南宋改名定羌即今定羌驛香子城宋遂入

河州獲木征妻子詔上言公臨事忠勇擢河州刺史兼河州

團練使知其州顧祖禹方輿紀要云熙寧六年吐蕃木征復

取河州城當川二堡破訶訥又城香子盡逐南山諸羌遂七年

董戩吐蕃置勒斯賚第三子別將青伊克結果莊舊作青宜

據緝舉兵襲殺伐木卒害小校七人以書抵公詞不遜公怒

會州將王凝攻之於踏白城在今河西北伏發同時戰沒

案宋史公附公父泰傳後而繫銜作引進使忠州防禦使

與此不同又案舊臨洮府志云瞻征即木以詔去合宗哥

首領青宜結鬼章即青伊克之眾寇踏白城思立戰死是

踏白之役主兵入寇者仍是木征蓋河州久為木征所據

故乘王詔入朝而思復其故地耳州志龍支城北百四

為宗哥城方輿紀要屬之西寧衛蓋河湟接壤處是役也殺卒以誘公投書以激

公惜公竟中其計也木征亦狡矣哉

神公諱朴洛陽人熙河鈐轄知蘭州誼子也紹聖中官熙河南

會鈐轄兼知河州安撫洮西沿邊公事河南蕃部叛屬羌阿

章率他族犯河州公至州方三日照帥胡宗回迫公出戰遇

伏首尾不相應力戰沒於陣事聞贈雄州防禦使官其後十

人案公留軍

劉公諱惟輔涇州人官熙河馬步軍都監建炎二年金洛索舊

婁室今據緝覽既克秦州引兵犯熙河經畧使張深遣公帥精騎三千禦之公留軍熟羊城在今秋道州東以千八百騎夜趨新店緝覽注云

在秦州西金人恃勝不虞黎明軍進短兵相接殺傷甚衆公無稍直刺其帥哈富舊作黑鋒今據緝覽省府洞胸墜馬死洛索

退走鳳翔四年金人復來侵時洛索已死公時為熙河副總管擊敗之殺五千餘人已而熙河陷公走匿山寺欲圖恢復其親

信軍詣金師降公被執金人誘之百方不答金人怒梓以出公厲聲曰斬即斬耳何梓為顧坐上王睿曰國家何負於汝

而遽降邪即不食不言而死所部亦多不屈事聞贈昭化軍節度使立廟成州即今成縣致祭賜額忠烈

案省志作以同州觀察使為熙河副總管州志作馬步軍都監繫銜不同考通鑑緝覽建炎二年書金人侵熙河都

四監劉惟輔逆擊於新店破之四年書金人侵熙河副總管劉惟輔死之舊臨洮府志亦云建炎二年以劉惟輔為熙

河都監四年金人犯熙河惟輔時為副總管擊敗之是州志所繫者舊銜而省志所繫者新銜也方輿紀要作經畧使誤甚矣

明

何公諱銘字德新州人河州衛指揮同知鎖南子也皆府州志

南明史作鎖南普輯覽作何索洛襲指揮同知洪武三十五年升授陝西都指揮同知永樂十年駐軍涼州衛遇虜戰沒

案州志云永樂九年征甘肅追虜至沙金城戰沒與省志異考通鑑緝覽永樂十年冬十一月涼州酋婁達衮舊作

罕叛守將擊敗之婁達衮走赤斤蒙古衛即今玉門縣而沙金則與吐蕃接壤其時吐蕃勢稍衰無人寇之事故從省志

人疑作入

陳公諱琮州人州志云廣官河州衛指揮僉事成化四年領軍

德清戴氏

攻石城奮勇當先矢石交下死之石城在今固原州西北一百五十里

案省志云陳鍾蘭州衛左所正千戶成化四年從大將軍

征叛賊滿俊於石城臨陣呼副千戶李旺盡力報國遂揮

兵力戰同死於陣疑則一人琮鍾音近傳寫稍異指揮僉

事其贈官乎省志不言河州人畧也

妙公諱齡州人州志云樣官河州衛正千戶宏治十四年領軍

固原等處遇虜戰死贈指揮僉事

姚公諱震州人官河州衛指揮同知升遊擊正德六年領軍四

川剿流賊力戰沒於陣

馮公諱琦州人州志云右官河州衛指揮僉事正德八年領軍

四川追剿流賊戰死贈指揮同知

馮公諱恩州人指揮僉事琦子也襲指揮僉事嘉靖元年領軍

洮州禦番賊戰死

何公諱勳字朝用州人陝西都指揮同知銘之孫也襲指揮

同知西寧洮州屢立戰功嘉靖九年戍甘州同百戶孫福禦

虜力戰陣亡事間贈昭武將軍

蔣公諱繼州志云維州人官河州衛指揮使嘉靖十一年領軍

甘州禦虜戰死事間贈都指揮僉事

案世宗初年蒙古小王子數自河套入寇而小王子部下

酋長卜兒孩以內難奔據青海屢犯甘州為南北患二公

致身當在其時惜地無可考

黃公諱河秦州人州志云本初官河州營千總屢立邊功升寧夏

遊擊遇虜力戰後中風死

案

國朝定制立功後在軍營病故者皆得入祀所在昭忠祠謹

遵其例公歿之年則志不詳

李公諱芳官固原遊擊劉公諱子都官遊擊據郡國利病書與各志異李公

諱如玉官固原指揮魏公諱承勳官千戶據郡國利病書李公諱國

琦何公諱天衢賀公諱守義王公諱官俱固原官弁籍貫皆

未詳萬曆十八年青海酋浩爾齊舊作火落赤今從輯覽猖獗據莽鼻

恭舊作莽刺捏今從輯覽兩川調固原鎮兵移屯防禦七月虜破老鴉

關突至雙林堡既而知其有備遂渡大夏河搶劫將犯臨洮

總兵官劉承嗣督兵與戰於和政驛敗之虜走朱家山承嗣

率公等追剿斬殺甚多適值秋霖經旬不止虜夜襲營公等

八人同時戰沒事間命立忠義祠州志作陣亡廟今據舊臨洮府志於景古

德清戴氏

城春秋致祭

案天下郡國利病書萬曆十八年七月十六日遊擊劉子

都搜賊至十九原虜自河西紅關道路潛入子都遇戰奮

擊賊勢大衆力屈而死而劉承嗣等朱家山失利在二十

七日以後與省府州志不同

黃公諱命州人寧夏遊擊河泰子也官河州營千總崇禎十年

從參將費邑宰長安人剿四川流賊於五丁峽力戰沒於陣

李公諱躍龍州人官河州衛指揮擢援剿副總兵崇禎十五年

領軍從總督汪忠烈公諱喬年字歲星浙江遂安人國朝賜諡忠烈攻賊於河南

襄城縣李自成自郟城還救總兵官賀人龍等不戰而走遂

大潰公知衆寡不敵請忠烈公率官兵入城拒守遂挺身出

戰沒於陣

長雷閣正本

案公事僅見州志他書皆不載史稱與汪忠烈公同時死  
事者有副將黨威張國欽張一貫李萬慶馬名廉而無公  
名殉節錄亦不及公亟宜表出之嗟乎忠烈公帥馬步三  
萬出潼關全軍覆沒身死而名不彰者獨公也哉

朱公諱家仕字翼明號崑海州人貴州左布政使紳五世孫也  
天啓元年辛酉科舉人崇禎元年戊辰科進士授戶部主事  
仕至山西冀北道兵備副使駐大同虛公坦白政治有聲巡

撫衛忠節公諱景瑗字仲玉陝西韓城人國朝賜諡忠節雅重之崇禎十七年正

月李自成破太原將北犯公與忠節公召集諸王太祖第三子桂封

代王國暨文武眾僚屬盟誓協力守城歃血漢壽亭侯祠下

總兵官姜瓖有異志遂巡不進公獨義形於色誓不與賊俱

生擊碎賊牌斬賊使四人及賊至永慶郡王代王宗室史失其名介曹

率左右鼓譟而出將赴敵為瓖所殺公知事不可為遂衣朝  
服懷敕印望闕再拜投井闔家同死者十有六人闔日而城  
陷明史附見衛忠節公傳

國朝乾隆四十一年大學士九卿等奉

旨通考明末殉節臣民姓名事迹分別專諡通諡及入祀所在

忠義祠公得

賜諡節愍

國朝

徐公諱養奇旗人貢士官臨洮府監督同知駐河州高公諱闕

籍貫亦未詳官河州營遊擊王公諱運熙陝西咸陽人歲貢

生官河州學正順治五年逆回米刺印丁國棟等倡亂甘州

河州回回王道宏等羣起應之據城叛大肆殺戮公等同日

遇害州志云受禍之烈則順治五年狃民內變為最雖闖賊之洶湧吳逆之煽動未有城破官屠民戮財盡如此之毒者也

案河州營明設叅將鎮守而總兵官駐臨洮有警則調他處弁兵屯防協剿

國初改設遊擊順治十六年改設副將乾隆四十六年改設總兵官

戴公諱守廉張公諱日興俱河州貢生龍公諱自霄河州生員

順治五年逆回之亂同日殉節

王公諱世德州人官臨鞏兵備道轄臨洮鞏昌二府駐狄道標中軍守備順

治五年甘州逆回米刺印丁國棟等倡難臨洮回回應之城

陷公力戰遇害

案時臨鞏兵備道為李公絮飛奉天沙河堡人履任未及

兩月遇變殉節

徐公諱進寅州人洮州營千總調征金川乾隆三十八年六月

隨大學士定邊將軍溫福營進次木果為賊所襲力戰沒於

陣事

聞賜卹恩騎尉世職

關公諱信州人河州協標把總調征金川乾隆三十八年六月

次木果木拒賊力戰沒於陣事

聞賜卹恩騎慰世職

馬公諱登魁州人寧夏廣武營把總調征金川乾隆三十八年

攻克斯一作哈力戰陣亡事

聞賜卹恩騎慰世職

李公諱仲祥州人循化營經制外委調征金川乾隆三十八年

木了山力戰陣亡事  
聞賜卹恩騎尉世職

王公諱明州人西寧鎮標經制外委調征金川乾隆三十八年

墨美卡力戰陣亡事

聞賜卹恩騎尉世職

郭公諱啓伏州人河州協標難蔭把總乾隆四十六年循化同

知所屬撒拉舊作刺

爾番回爭新舊教互相讎殺總督勒爾謹

飭蘭州知府楊士璣

江蘇婁縣進士

赴循化查辦並檄河州協副將

新柱

旗人

前往彈壓公領兵隨往三月十八日出老鴉關抵白

莊一作百

是夜逆回蘇四十三韓二個等糾眾起事攻陷白

莊副將新柱倉猝被戕公力戰遇害事

聞賜卹恩騎尉世職

楊公諱

天德州人河州協標經制外委乾隆四十六年三月十

八日撒拉爾逆回之難隨副將新柱在白莊力戰遇害事

聞賜卹恩騎尉世職

劉公

諱

漢州人循化營經制外委乾隆四十六年三月十八日

撒拉爾逆回蘇四十三等糾眾起事攻陷白莊公力戰遇害

事

聞賜卹恩騎尉世職

韓公諱

成璘州人世襲管理珍珠打刺二族土務指揮使乾隆

四十六年三月蘭州知府楊士璣赴循化查辦撒拉爾逆回

控案調公同往十八日行抵起台堡是夜逆回蘇四十三等

已在白莊糾眾起事搶殺戰將新柱官兵殲焉而公未之知

也十九日早賊撲入堡楊士璣遇害公手刃數人賊來益眾

公受四傷罵賊而死事

間賜卹加銜一等承襲一次六十年奉

旨賞給恩騎尉世襲罔替

李公諱奇武威人河州協標守備署中軍都司乾隆四十六年

撒拉爾逆回起事白莊二十一日午刻突至河州城下四面

攻圍時副將新柱已在白莊被害城中兵力單弱賊勢猖獗

公與知州周植率居民上城守禦發大礮轟斃逆首韓二個

既而城陷公闔署自焚事

間賜卹恩騎尉世職

袁公諱尚仁口口人河州協標守備乾隆四十六年撒拉爾逆

回糾眾圍城公竭力守禦城破自投城下而死事

間賜卹恩騎尉世職

朱公諱廷奇州人河州協標千總乾隆四十六年撒拉爾逆回

蘇四十三等起事白莊公間信領兵五十餘人前往老鴉關

堵禦甫行而賊已從山上越關而進公急退入城竭力守禦

賊登城公力戰遇害事

間賜卹恩騎尉世職

徐公諱烈州人河州協標經制外委乾隆四十六年撒拉爾逆

回之難三月二十一日夜賊乘陰雨登城公在城頭力戰遇

害事

間賜卹恩騎尉世職

杜公諱綵字錦章號鳳山州人歲貢乾隆四十六年撒拉爾逆

回圍逼河州一日而城陷士民多自戕或易服走匿公獨具

衣冠端坐賊至大罵不絕遂被害事定署知州謝桓據實詳

報未蒙查辦閱三月部銓漢中府南鄭縣訓導四十九年公  
子杜登瀛呈懇題請旌卹時忠銳嘉勇文襄王福康安總督  
陝甘蒙批爾父守城被害情殊可憫但事隔三年本部堂碍  
難具奏仰候查明量加給獎以慰忠魂原呈發司旋蒙布政  
司詳查得河州歲貢候選訓導杜綵於乾隆四十六年四月  
內據署河州知州謝桓詳報該員在城禦賊被賊矛傷四處  
身故當經前司詳蒙前督批示飭候咨部在案今伊子杜登  
瀛懇請查議但事隔三年碍難請卹查該故員以候選微員  
當賊猖獗之時奮勇守城捐軀明志甚屬可憫應請仰邀憲  
慈給予旌揚匾額字樣令地方官監造恭書憲銜以光閭里  
該故員如有子孫現在讀書者查河州設有書院並請轉飭  
該州令於書院肄業按月給與膏火銀兩以示優卹俾死者

既獲旌閭生者亦荷恩育等語隨奉陝甘總督福 給與烈  
士成名匾額

宋公諱廣文字鴻儒朱公諱文遠字翰仙俱廩膳生員呂公諱

紹字敬承學附生皆州人乾隆四十六年撒拉爾逆回之難

分守城宋公守南城城陷同日殉節

鄧公諱宣州人河州鎮標經制外委調征教匪嘉慶二年三月

在□□□金莪寺剿賊陣亡事

聞賜卹雲騎衛世職

丁公諱爾表州人河州鎮標把總調征教匪嘉慶二年九月在

四川蓬州徐家場尖山坪剿賊陣亡事

聞賜卹雲騎尉世職

鄭公諱天希州人河州城守營把總調征教匪嘉慶三年二月

在陝西西鄉縣插旗山石梯坎剿賊陣亡事

聞賜卹雲騎尉世職

王公諱孝忠州人甘肅提標把總調征教匪嘉慶三年六月在

陝西平利縣瓦屋梁剿賊陣亡事

聞賜卹雲騎尉世職

徐公諱士伏州人河州城守營經制外委調征教匪嘉慶五年

在文縣西園鄉剿賊陣亡事

聞賜卹雲騎尉世職

魏公諱品魁州人保安營經制外委調征教匪嘉慶五年在成

縣傅家鎮一云鄠縣剿賊陣亡事

聞賜卹雲騎尉世職

喬公諱祥州人禮縣汛經制外委調征教匪嘉慶五年在成縣

傅家鎮剿賊陣亡事

聞賜卹雲騎尉世職

陳公諱五輯本西安駐防出旗寄籍河州官涼州大靖營遊擊

調征川楚教匪嘉慶六年三月在陝西城固縣大壩剿賊沒

於陣事

聞賜卹雲騎尉世職

郭公諱淇州人陝西商州營遊擊調征教匪嘉慶六年三月在

陝西城固縣大壩剿賊沒於陣事

聞賜卹雲騎尉世職

秦公諱敬州人河州鎮標經制外委調征教匪嘉慶六年

在陝西城固縣大壩剿賊陣亡事

聞賜卹雲騎尉世職

馬公諱天喜州人循化營經制外委調征教匪嘉慶六年在陝  
西城固縣大壩剿賊陣亡事

閻賜卹雲騎尉世職  
李公諱景伯州人循化營經制外委調征教匪嘉慶六年在陝  
西城固縣大壩河口云小剿賊陣亡事

閻賜卹雲騎尉世職  
周公諱孝州人河州城守營千總調征教匪嘉慶 年在四川

達州新灘剿賊陣亡事  
閻賜卹雲騎尉世職

金公諱海州人陝甘督標經制外委調征教匪嘉慶 年在口  
口口兩河口剿賊陣亡事

閻賜卹雲騎尉世職

陳公諱宗順州人循化營經制外委調征教匪嘉慶 年在陝

西鄠縣景峪熊岔剿賊陣亡事

閻賜卹雲騎尉世職

陝公諱有貴州人河州鎮標經制外委嘉慶十七年十二月在  
捏工川馬廠迎賊遇害事

閻賜卹雲騎尉世職

楊公諱永春州人河州鎮標把總調征教匪立功後在四川口  
口四季坪軍營病故事

閻賜卹陰監生

賀公諱明福州人河州鎮標把總調征教匪立功後在陝西鳳  
縣軍營病故事

閻賜卹陰監生

追

石公諱友伏州人岷州營把總調征教匪立功後在四川口口軍營病故事

聞賜卹陰監生

耿公諱昭榮州人河州鎮標營經制外委調征教匪立功後在陝西安康縣鐵佛寺軍營病故事

聞賜卹陰監生

錢公諱鎔州人河州鎮標經制外委調征教匪立功後在陝西安康縣鐵佛寺軍營病故事

聞賜卹陰監生

馮公諱文魁州人起台營經制外委調征教匪立功後在四川口口四季坪軍營病故事

聞賜卹陰監生

梁公諱錦州人郿縣汛經制外委調征教匪立功後在陝西平

利縣軍營病故事

聞賜卹陰監生

Blank columns for text on the right page.

河州景忠錄 附記一

績溪胡秉虔撰

宋神宗熙寧中王韶克武勝城建為鎮洮軍尋升為熙州今狄

道州是也後遂以熙河謂熙州與秦鳳涇原環慶為沿邊四

路或稱河州為熙河者非河州本漢枹罕縣晉時為前涼張駿所據分置河州

宋史景泰傳云秦字周卿普州人進士起家數與夏人戰以功

仕至秦鳳路馬步軍總管卒子思立熙寧中屢有戰功為引

進使忠州防禦使知河州與董璫通鑑輯覽作董戩部兵戰沒後思

忠以左藏庫副使遂州駐泊都監擊瀘州夷人陷於羅箇暮

山下兄弟繼死王事人皆憐之輯覽注云宋制諸路都監有禁兵駐泊其地者以駐泊冠

之

通鑑輯覽云熙寧六年王韶克河州獲木征妻子此景思立之

初入河州也王韶主兵耳又云韶既克河州會降羌叛回軍擊之木征以其間復入河州韶進破和諾克密藏城和諾克

羌驛密藏舊作木藏在州西南疑即今穿露骨山輯覽注云

之北藏在州東南距和政驛三十里西南接洮番界石如骨露故

名又四時積雪亦曰雪山南入洮州境道隘釋馬徒行或

曰至六七木征留其黨守河州自將尾官軍韶力戰破走之

河州復平此王韶之再定河州也案思立知河州當在王韶

再定河州後舊臨洮府志云熙寧七年王韶

熙寧七年思立戰死踏白城時王韶入朝木征勢復熾遂圍河

州韶自京師還至興平聞之日夜馳至熙州熙方城守韶命

撤之選兵得二萬人諸將欲趨河州韶曰賊所以圍城者恃

有外援也攻其所恃則圍自解乃直趨定羌城今為驛即和

城一百破西番結河川族斷夏國通路進臨寧河今和政驛

二十里破西番結河川族斷夏國通路進臨寧河即香子城

距州城六十里分命偏將入南山木征知援絕拔柵去韶還熙以兵

循西山繞踏白城後焚賊八十帳斬首七千餘級木征窮蹙

率酋長八十餘人詣軍門降韶受之送木征赴京師帝大喜

以木征為營州團練使賜姓名趙思忠

木征雖降而董戩居哩正城舊作歷精城今據號令嚴明有眾

六萬別將青伊克結果莊舊作青宜結鬼數擾河州元祐二

年董戩既死其養子額爾古舊作阿里骨嗣為邈川今碾伯

首領誘果莊使據洮以叛岷州行營將种誼字壽翁世衡帥

師執之檻送京師尋赦之遣居秦州聽招其子置木嗟舊作

輯覽及部屬以自贖額爾古乃上表謝罪

蔡條京鐵圍山叢談云西羌唃氏久盜有古涼州地號青唐今

西寧傳子董種死其子弱羣下爭強遂大患邊一曰人多零

縣治

丁一曰青宜結鬼章而人多零丁最黠鬼章其亞也元豐末  
神廟詔諸將人多零丁俶擾王士既擅其國則彼用兵之際  
若旌弢之屬豈無獨異狀者宜募猛士如能殺之或生捕得  
若有官生白衣並拜觀察使不半載有裨將彭孫者果臨陣  
躍入斬人多零丁以其首獻詔拜彭孫觀察使於是鬼章之  
勢孤未幾亦生得之屬元祐初也遂以其事奏告裕陵焉裕陵神宗  
擒鬼章之功蓋多得一時名臣文士歌詠因大流播不  
知斬人多零丁此青唐所以亡也

明史西番諸衛傳云元封駙馬章古為寧濮郡王鎮西寧於河  
州設吐番宣慰司以洮岷黎雅諸州隸之統治番眾洪武二  
年太祖定陝西即遣官齎詔招諭其酋長皆觀望復遣員外  
郎許允德招之乃多聽命明年五月吐番宣慰司使鎖南普

等以元所授金銀牌印宣敕來上會鄧愈克河州遂詣軍前  
降其鎮西武靖王卜納刺亦以吐番諸部來納欵冬鎖南普  
等入朝貢馬及方物帝喜賜襲衣四年正月設河州衛命為  
指揮同知予世襲知院朶兒只汪家奴並為指揮僉事設千  
戶所八百戶所七皆命其酋長為之卜納刺等亦至京師為  
靖南衛指揮同知其儕桑加朶兒只為高昌衛指揮同知皆  
帶刀侍衛自是番日至尋以降人馬梅汪瓦兒並為河州衛  
指揮僉事十二年秋鎖南普及鎮撫劉溫各攜家屬來朝諭  
中書省臣曰鎖南普自歸附以來信義甚堅前遣使烏斯藏  
遠涉萬里及歸所言皆稱朕意今以家屬來朝宜加禮待乃  
賜米麥各三十石劉溫三之一

通鑑輯覽洪武十年夏四月遣鄧愈帥師擊吐蕃平之注云初

鄧愈克臨洮遣員外郎許允德招諭吐蕃諸族而以指揮使

韋正字正卿壽州人本姓寗守臨洮會吐蕃來寇正擊降之吐蕃屯洮

兵往禦時河水未冰不能進忽有冰如巨屋自上流下風隨

之河冰遂合正疾渡直擣敵營敵大驚以為神遂投戈降

既而允德還元吐蕃宣慰司何索洛穆布舊作何瑣今改詣軍門

降鎮西武靖王伯訥舊作卜訥刺今改亦以諸部來降遂移正使

守河州時河州城邑空虛人骨山積眾欲委棄之其後吐蕃

所部往往邀阻蕃藏貢使帝命愈為征西將軍偕都督同知

沐英討之分兵三道窮追至崑崙山俘斬萬計留兵戍諸要

害而還

康熙四十六年州志云何鎖南幼好習弓馬元末任吐蕃等宣

慰司洪武三年衛國公鄧愈領兵至境鎖南率眾歸附太祖

嘉其誠授河州衛指揮同知賜姓何氏弟江家奴明史作汪家奴授

河州衛指揮僉事次子何敏授錦衣衛指揮僉事賜篆龍金

筒誥命五年命中書勞西域指揮敕曰君子守信以義存仁

所以仁者盛義者興此理道之行者也今西河指揮何鎖南

自歸附以來信義甚堅前歲命往烏斯宣布朕命遠涉萬里

不憚勞苦至烏斯所言朕命如敕今年以家小來京合加禮

待使足養其親下程米三十石麥如之其鎮撫劉溫官職雖

微心亦懷誠眷屬亦至下程米一十石麥亦如之案或作鎖

何瑣南普或作何鎖南不同者疑本名鎖南普賜姓何遂作

何瑣南普志作何鎖南者漏普字耳何為賜姓僅見於此敕

文似明史稍有節飾何氏在勝朝屢

著勞績兩世陣亡十世何揚威入

國朝於順治十年即奉

旨照舊承襲視他土司為獨早何揚威即今襲指揮同知何瑄

五世祖也顧炎武天下郡國利病書云洪武二年大將軍徐達帥諸將西

征吐蕃克河州招諭吐蕃元帥何瑣南普化鬼六等納印請

降案元時宣慰使主兵統轄番眾威權甚重故稱元帥或稱都元帥而舊臨洮府志云仁宗延祐元年以欽察臺駙馬

平章為河州吐蕃宣慰司宣慰使可知其職分之尊矣化鬼六不知即卜納刺否追元豫王至西黃

河抵黑松林殺阿撒禿子於河州案徐達克河州即明史及

輯覽所云鄧愈克河州也蓋此時徐達為大將軍而李文忠

馮勝鄧愈湯和皆其副耳其實徐達度隴克秦州下伏羌寧

遠入鞏昌間臨洮李思齊降馮勝鄧愈即出蕭關定平涼圍

慶陽以張思道兄弟在慶陽也達至思道已走寧夏留弟良臣守慶陽良臣驍勇軍中呼

小平鄧愈乃自臨洮西追豫王過河州輯覽亦云徐達自臨

洮下蘭州襲走元豫王盡收其部落輜重非以主兵故邪

谷應泰明朝紀事本末云洪武六年秋八月丙子河州土門峽

邊警千戶王才戰死案此事他書無見然考斯時蒙古尚未

竄入青海所謂邊警者吐蕃不逞耳所以十年復有鄧愈征西將軍之命也

明初設布政使司以轄府州縣設都指揮使司通稱以轄衛所

洪武五年設河州府領寧河縣七年建陝西行都指揮使司

通稱行於河州十二年省府縣改置河州衛行都指揮使司

移駐莊浪二十六年又移駐甘州

萬曆十八年總兵劉承嗣與海虜戰於和政驛時臨鞏兵備道

郭維賢在城上督戰見空中如有神兵助戰因獲大勝遂重

修武順王廟見舊臨洮府志

石城在今固原州西北一百五十里固原州始置於明宏治十

故時以此城為故原州即唐吐蕃石堡城也紀事本末云在

亂山中四面峭壁數十仞無徑非引繩不可登西山頂平可

容數千人山罅皆牆高二三丈城中有數石池可汲池外設  
 棧道下築小城護之前有小山高數仞如拱壁狀山後悉築  
 牆高二丈五六尺各留小門僅容單騎城外皆亂山蓋昔人  
 造之避亂者成化四年滿四滿後等被捕急遂激眾為變破  
 開成縣在今固原州西南四十里方輿紀要云成化四年寇  
 破開成因徙縣於固原宏治中改置固原州而以開  
 成縣入殺官吏叛據石城滿四之先名把丹者元平涼萬戶洪  
 落散處開成間號士達以畜牧為生至滿四以貴力雄諸族  
 素縱佚多不法有通渭民避徭役匿四所致仕都督張泰牧  
 鳴沙州張把腰等時假寇盜劫掠之泰以狀聞於巡撫陳  
 介介下吏捕四與把腰甚急會參將劉清初至指揮馮傑敘  
 諸王達賄利為醜有李俊者最其徒尊四為招賢王民失職  
 狡黠遂以言激滿四等為亂

者多從之不數月眾至數萬西安巡撫陳介延綏巡撫王銳  
 總兵寧遠伯任壽廣義伯吳琮各率所部兵討之多敗績賊  
 益猖獗陳琮授命或在此時事間逮介等而命都御史項忠字蓋臣總  
 秀水人

督軍務總兵劉玉

字仲璽磁州人

參將夏正

字貫未詳

率京營兵并發陝

西三邊兵五萬人往討起大理寺少卿馬文升

字負圖鈞州人為都

御史巡撫陝西協剿十月先後至固原分六路進兵伏羌伯

毛忠

鎮番土軍百戶賜姓名時年七十五

督精銳先登擒斬甚眾為流矢所中

還至半山而卒劉玉亦被圍項忠親斬退縮千戶一人以狗

眾不敢退玉得免復數十戰賊大奴會天大寒忠等慮賊乘

凍渡河與套寇合乃督兵直薄城下作長圍困之有楊虎狸

者最驍悍夜出汲被獲諭之順逆許以不死虎狸願為內應

忠解所束金帶鈎賜之玉刮刀與誓縱之歸誘滿四出戰伏

兵四起遂就擒賊盡殲乃毀石城立石紀歲月於山

洪武三年元順帝殂於應昌子阿裕錫哩達喇

舊作愛猷識理達臘今從輯覽

嗣十一年阿裕錫哩達喇卒子特古斯特穆爾為其下伊遜

岱爾舊作也速迭兒今從輯覽所弒而立琨特穆爾舊作坤帖木兒今從輯覽自是不

復紀年後琨特穆爾被弒有郭勒齊舊作鬼力赤今改者篡立稱汗

遂去國號稱韃靼永樂七年知院阿魯台弒郭勒齊迎元裔

布尼雅錫哩舊作本雅失里今從輯覽立之後為衛拉特馬哈木所殺阿

魯台復立阿台王子後為托克托布哈所殺

托克托布哈舊作托都花今從輯覽蒙古衛拉特舊作瓦剌今從輯覽亦蒙古部

知院阿魯台欲自立為汗眾不可乃立托克托布哈而奉之

正統間托歡死其子額森舊作也先今從輯覽嗣稱太師淮王托歡本元強臣

見可帖木專國兵最多托克托布哈雖為汗兵較少阿拉舊作

從輯覽知院兵又少景泰二年額森遂殺托克托布哈四年

自立為汗以其次子為太師五年額森為阿拉所殺未幾韃

靼部保刺舊作孛來今從輯覽復殺阿拉來托克托布哈子穆爾格爾

稱小王子

通鑿輯覽云元自順帝北去阿裕錫哩達喇特古斯特穆爾皆

其子孫承緒國號尚存至郭勒齊布尼雅錫哩等以遠族相

繼篡立改號韃靼後衛拉特漸強諸部相攜日尋攻擊如托

克托布哈額森及小王子等皆弒遂併吞無復君臣之分自

與順帝嫡裔有殊額森本托歡太師之子額森既亡數傳至博汗其世次不可考博汗生子曰烏林台

是為準噶爾之始

明史云西寧即古湟中其西四百里有青海又曰西海水草豐

美番人環居之案西海又名卑禾羌海又名鮮水海漢元始四年王莽諷卑禾羌獻鮮水海允谷鹽池置

西海郡後漢永元隋大業間皆嘗修置後為吐谷渾專務畜

地吐蕃擊吐谷渾而據之明鄭洛云周環七八百里

長雷閣正本

牧日益繁滋正德四年蒙古部酋亦不刺及阿爾禿廝子三

子長阿爾倫次阿著次滿官噴太師亦不刺殺阿爾倫阿爾

禿廝部故獲罪其主擁眾西奔瞰知青海饒富襲而據之

利病書云二酋奔河套擁部落至涼州乞空間地居牧涼州

將吏杜門不敢應凡十餘日始大掠入西海攻破安定阿端

罕東曲先四衛奪其地諸番散亡遂據有其地大肆焚掠番人失其地多遠徙其

留者不能自存反為所役屬自是甘肅西寧西寧當始有海

寇之患九年總制彭澤集諸道軍將擣其巢寇訶知之由河

州渡黃河奔四川出松潘茂州境直走烏斯藏及大軍引還

則仍返海上惟阿爾禿廝遁去郡國利病書云繼為小王子

刺間小王子復有嘉靖十一年甘肅巡撫趙載等言亦不刺

殺害仍竄入西海據海上已二十餘年其黨卜兒孩甘州志小王子部下首

傾心向化求帖木哥等屬番來納款宜因而撫之或俾之納

馬或令其遺質或授官給印建立衛所為我藩籬於計為便

疏甫上會河套酋吉囊輯覽作濟農云時小王子最富強控

東方號土默特所分諸部落在西北方者其從父行濟農諸

達二部最疆紀事本末云小王子次子阿著有子二曰吉囊

俺答吉囊分地河套引眾西掠大破亦不刺營收其部落大

半而去惟卜兒孩一枝斂眾自保由是納款之議寢二十年

卜兒孩獻金牌良馬求款兵部言寇果輸誠通貢誠西陲大

利乃止獻馬及金牌未有如往歲遣子入侍酋長入朝之請

未可遽許宜令督撫臣偵察情實並條制馭之策以間會寇

勢漸衰番人亦漸復業其議復寢後北部俺答輯覽作猖獗

羨青海富饒三十八年攜子賓免輯覽作丙免等數萬眾襲

據其地卜兒孩竄走遂縱掠諸番已引去郡國利病書云俺

據青海隆慶中俺答受封順義王修貢惟謹巴噶奈濟者諳

台吉子也幼孤育於諳達妻所既長聘鄂爾多斯女號三娘

子即諳達外孫女也諳達見其美奪之巴噶志隆慶四年率

其屬十餘人來歸大同巡撫方逢時告總督王崇古曰機不

可失也率五百騎往受之請於朝授巴噶指揮使諳達聞之

約諸部入寇崇古檄諸道嚴兵禦之諳達妻思其孫日夜哭

諳達患之使來請命逢時遣譯者鮑崇雅往入其營諳達盛

氣待之崇德曰朝廷待而孫甚厚今稱兵是速其死也初諳

達疑巴噶已死間言心動使使詢之崇古令巴噶緋袍金帶

見使者諳達喜過望崇德因曰趙全等旦至巴噶夕歸諳達

屏人語曰我不為亂亂由全等天子若封我為王長北方諸

部孰敢為患即死吾孫當襲封彼全等九人來獻詔磔於市

使與崇德來乞封請互市隨執趙全等泣遣使報謝誓不

崇古以帝命遣巴噶歸諳達及其妻撫之泣遣使報謝誓不

犯大同乃封諳達順義王名所居城曰歸化封巴噶奈濟昭

勇將軍指揮如故已而套部濟農亦如約請命詔授官由是

西塞諸部歲來貢市邊陲晏然巴噶奈濟舊作把漢那吉

塔本台吉舊作鐵背台吉鄂爾多斯舊作禰兒都司濟農舊

作吉囊今皆從輯覽先是山西妖人呂明鎮以白蓮妖術

謀不軌趙全邱富等從之事實明鎮伏誅全富等亡入蒙古

諳達信用之數誘入寇且教之益習攻戰事乃招集亡命居

豐州築城自衛墾水田構宮殿號曰拜牲至是富已二子亦

先死豐州即今歸化城拜牲舊作板升今從輯覽

德清款氏

斂戢時烏斯藏僧有稱活佛者諸部多奉其教丙免乃以焚

修為名請建寺青海帝許之既得請又近脅番人使通道松

潘以迎活佛四川守臣懼逼乞命俺答約束其子毋擾鄰境

俺答言丙免止因甘肅不許開市寧夏又道遠艱難雖禁令

不能盡制宣大總督方逢時亦言開市便萬厯二年許丙免

市於甘肅賓免市於莊浪歲一次既而寺成賜額仰華自丙

免據青海有切盡台吉者輯覽作徹河套酋吉能輯覽亦作

前濟農子濟農係蒙古王號故父從子俺答從孫也從之而

子並襲其稱舊分作吉囊吉能誤從子俺答從孫也從之而

西屢掠番人不得志邀俺答往助俺答雅欲侵瓦剌乃假迎

活佛名擁眾西行既抵瓦剌戰敗而還乃移書甘肅守臣乞

假道赴烏斯藏守臣不能拒遂越甘肅而南會諸酋於海上

八年春始以活佛言東還烏斯藏傳云有僧鎖南堅錯者能

長雷閣正本

信之萬曆七年以迎活佛為名西侵瓦刺為所敗此僧戒以好殺勸之東還俺答亦勸此僧通中國乃自甘州遺書張居正自稱釋迦摩尼比丘求通貢帝許之由是中國亦知有活佛而切盡弟火落赤輯覽作浩爾齊

答庶兄子永邵卜輯覽作永什卜遂留居青海八月丙兔率眾掠番

並內地人畜詔絕其市賞俺答間之馳書切責乃盡還所掠

執獻為惡者六人自罰牛羊七百帝嘉其父恭順賚之銀幣

即以牛羊賜其部人為惡者付之自治仍許貢市俺答益感

德而火落赤侵掠不休守臣檄切盡台吉約束之亦引罪輸

服及俺答卒傳至孫扯力克輯覽作徹哩克萬曆十五年襲

辰汗襲至是徹辰汗死子徹哩克襲其妻三娘子即諸達所

奪之外孫女而為婦者也歷配三王主兵柄為中國守邊保

塞諸部畏服之帝嘉其功封忠順夫人勢輕不能制諸酋丙

兔及切盡台吉死丙兔子真相移駐莽刺川火落赤移駐捏

工川日蠶食番族番不能支則折而為寇用扯力克又西行

助之輯覽云徹哩克以赴仰華為名勢益熾十八年六月入

舊洮州副總兵李聯芳率三千人禦之盡覆七月復深入大

掠河州臨洮渭源總兵官劉承嗣與游擊孟孝臣各將一軍

禦之皆敗績游擊李芳等死焉西陲大震事聞命尚書鄭洛

字禹秀出經畧洛前督宣大撫順義王及忠順夫人有恩輯覽

安肅人云初徹辰汗襲封年老且病欲妻三娘子三娘子不從率眾

口走徹辰汗追之貢市久不至洛計三娘子別屬則徹辰汗

雖王無益乃使人語之曰夫人能歸王不夫富貴否則塞上

一婦人耳三娘子聽命貢市惟謹徹辰汗死徹哩克當襲三

娘子自以年長練兵萬人築城以居洛恐貢市無主復諭徹

哩克曰夫人三世歸順汝能興之匹則王不然封別有屬也

徹哩克盡逐諸妾復遣使趣扯力克東歸而大布招番之令

歸附者不絕火真二酋自知罪重又聞套酋卜失兔輯覽作布色圖

來助大敗於水泉口扯力克復將還巢始懼徙帳去留其黨

可卜兔等於莽刺川明年總兵官尤繼先破走之洛更進兵

青海焚仰華寺逐其餘衆而還番人復業者至八萬餘人西陲暫獲休息

河套唐虞為析枝渠搜周為朔方秦為新秦中分縣四十有四

漢為朔方郡領縣十明日河套紀事本末云河套周圍三面

阻黃河土肥饒可耕桑密邇陝西榆林堡東至山西偏頭關

西至寧夏鎮東西可二千里南至邊牆北至黃河遠者八九

百里近者二三百里赫連勃勃趙元昊之所據以為國者也

一統志云今鄂爾多斯地自天順間毛里孩輯覽作阿羅出

始潛入河套然時來時去出沒無常官軍不以為意成化以

後化加思蘭輯覽作加嘉色凌殺阿羅出而併其衆滿都魯輯覽作

本元裔字羅忽輯覽作博勒呼小王子火節輯覽作陀羅該舊作脫羅于吉

囊俺答等相繼盤踞其中而延綏迄無寧歲劉敏寬曰榆塞

古朔方地河流自西而東由寧夏橫城折而北謂之出套北

折而東東復折而南由黃甫川入葭州畛謂之入套紆回二

千餘里環抱河南之地營東勝跨河北唐三受降城在河套北黃河之外元東勝

州在受降誠之東以衛套中登城一望則平野沙漠無林阻見百十

里而遙匹馬一人不能隱蔽輒望城引去遂遠居沙漠河限

之而套為內地時候冰合乃乘間入犯我所犯者秋冬耳春

夏得以餘力田套中備城守其往來侵擾惟遼東宣大寧夏

甘肅莊浪一帶頻如其毒而延慶無患者河套蔽之也東勝

不守外險既失彼始渡河無所忌矣

遂安汪忠烈公年天啓間以工部郎中出守青州攜二僕行青

故雄郡賦煩胥猾屬邑徵解例有添搭錢公悉罷之著為令

政尚勤敏衆積無巨細手自裁斷午夜不少休其去青也青

人尸祝之與范文正公同祠時公無恙而民有疾病疑難事  
 顛之輒應殊不可解崇禎十四年公為陝西巡撫適三邊總  
 督傅忠壯公宗龍雲南昆明人剿賊項城敗沒詔公代其事時李自  
 成破河南將窺陝而三秦精銳已盡沒於項城師不用命士  
 無固志兵部屢檄公出關公頓足曰兵疲餉乏而令當方張  
 之寇如帥羣羊驅虎豹耳然不可不一出乃收集散亡調固  
 臨洮及團練總兵賀人龍鄭嘉棟牛成虎等三鎮兵以十五  
 年正月出潼關先是臨潁為賊守左良玉破而屠之賊大怒  
 舍開封而攻良玉良玉退保鄆城賊圍之急公與諸將議曰  
 鄆城危在旦夕不可不救然賊氣方銳難與爭鋒賊老若在  
 襄城吾攻襄城賊必還救則鄆圍解矣我擊其前良玉乘其  
 後可大破也遂留步兵火器營於洛陽督精騎兼程進二月

二日入襄城分人龍嘉棟成虎三路駐城東四十里公自勒  
 兵駐城外賊果舍良玉以數十萬眾逆戰三帥奔良玉救不  
 至軍大潰公仰天歎曰此我死所也率標兵千餘人入城拒  
 守賊盡銳來攻公坐城上礮擊雉堞盡碎左右環泣請避公  
 怒以足蹴其首曰爾等畏死我不畏死也二十七日大雨雪  
 城崩遂陷公率兵巷戰手馘數賊流矢中公掖公自剄不殊  
 賊執至韓家莊公大罵賊割其目鼻舌乃殺之公巡撫陝西  
 時曾檄米脂令邊大綬發自成先冢自成嚙指大恨及聞公  
 出關踊而曰此發我祖墳者邪急擊勿失

衛忠節公景文初仕為推官以廉明為巡撫范忠貞公景文朝賜諡忠貞

貞巡按吳公姓所器重崇禎末巡撫大同十七年二月李自成  
 成犯太原公議督兵趨控雁門總兵官姜瓖觀望不肯行及

攻寧武關周忠武公

遇吉國朝  
賜諡忠武

數遣使告急公又促瓌出

德清戴氏

兵往援瓌執不可曰此非吾境也公不得已謀帥麾下士赴之未行寧武陷公聞之與副使朱節愍公家召集文武敵血議城守而瓌已陰使人通款於賊約為內應反布詭言曰巡撫秦人也將應賊代王果疑公不與相見及賊至瓌開門迎降公猶督麾下巷戰衆擁公入自成營公踞坐於地大呼皇帝而哭自成好謂曰吾清澗一民耳非有天命不至此君能輔佐我我當益加君官公不答自成命掖之出公顧見瓌罵曰賊奴萬段汝與我朝盟而夕叛神豈赦汝邪時公有繼母賊諭使勸公降公曰母年八十餘矣當自為計兒國大臣也惟有一死耳母出公謂人曰我不罵賊者以全母也越三日又擁入自成又好謂曰君忠臣也我將具車騎送君還家公

曰國破何家可歸曷速殺我因出不意以頭搶階石血淋漓被面自成又命掖之出後三日驅至海會寺公北向再拜曰臣失封疆死不足贖乘間自經死時距朱節愍公之死已數日矣

河州景忠錄 附記二

績溪胡秉虔纂

米刺印甘州回民也素桀黠起卒伍順治五年官甘肅副總兵

以時方草創陰蓄異志時分巡道林維造福建晉江人即明季殉

節巡撫忠烈公瑞從子也與鎮守總兵官劉良臣漢軍鑲黃旗人嚴

治反側闖賊餘黨內不自安米刺印乘以糾眾遊擊黃得功

籍貫無可考微覺之密謀於良臣未及發會調征湖廣刺印佯言

兵變亟須安撫置酒北城樓邀巡撫張文衡宣府開平人等會議

而席其從者於城下酒既行伏兵突起殲焉乃與其黨丁國

棟據城反傳檄遠近其種人多響應者不數月眾十餘萬東

陷臨洮圍鞏昌關隴大震總督孟忠毅公喬芳字心亭永平人疾馳救

援賊退守蘭州公悉精銳徑薄蘭州大破之賊焚浮橋遁公

鼓行而西斬刺印於古城窰國棟跳保甘州公率兵圍之靖  
逆侯張勇字蜚熊咸寧人或曰洋縣人卒奮勇先登城遂破  
國棟及其黨黑承允奔肅州立士倫太為王馬寧寧夏人後官至湖廣  
督追擒之

兩金川本內地服屬土司乾隆十三年金川土酋莎羅奔即卡  
跳梁不靖侵擾小金川拘其土司澤旺總督張廣泗等調兵  
進討

命大學士文忠公傅恒前往經畧莎羅奔即卡窮蹙乞宥遂奉  
旨班師甫十年郎卡即與革布什咱綽斯甲布及三雜谷各土  
司構釁郎卡死子索諾木恃其地險力强益肆兇悖小金川  
素與金川為仇敵乃澤旺子逆酋僧格桑反與索諾木締盟  
黨惡蠶食鄰疆索諾木計殺革布什咱土司色楞敦多布取

其印敕以歸僧格桑亦發兵攻圍鄂克什土司色達拉官寨  
總督阿爾泰提督董天弼親往曉諭僧格桑抗違不遵益復  
修碉築寨謀抗 天兵三十六年

命大學士溫福為定邊將軍誠謀英勇文成公阿桂為參贊分  
路進剿直抵小金川賊巢擒澤旺檻送京師而僧格桑竄入  
金川索諾木匿不肯獻遂移師討之將軍統兵進次木果本  
山險碉堅兼多雨雪不能遽進三十八年六月僧格桑遣其  
黨七圖安都爾等潛出勾引小金川降番復叛董天弼倉猝  
被戕兵遂大潰將軍力戰遇害特

命阿文成公為定西將軍果毅繼勇公豐昇額襄勇柏明亮為  
左右副將軍統領勁旅所向克捷五日而小金川收復聲罪  
奮伐采入其阻四十一年二月各路官兵全抵噶拉依賊巢

四面攻圍時僧格桑業經先故索諾木率其兄弟頭目捧印  
投降獻俘闕下兩金川全境蕩平

撒拉舊作刺爾川名在河州積石老鴉二關外回民五族環居之

因稱撒拉族本自西域來另為一種以其約六七千戶為十

二工別查漢大寺曰孟達曰斜廠曰查家曰清水曰張采曰

蘇四十三等變亂以後新教殄滅無遺今存者止八工曰查

漢大寺曰查家曰蘇只曰街子為上四工曰清水曰孟達曰

斜廠曰張采崖皆世襲土千戶韓昱韓光祖分管街子工土

管為上六工子韓輝宗承襲崖漫工土隸循化廳同知統轄

司韓光祖所管為下六工子韓卿承襲如婚曰合婚經喪謝以衣物錢財名曰布施有安定縣官川

十二工各有掌教稱曰阿渾凡遇婚喪等事必請阿渾念經

回民馬明心者歸自新疆詭云得有真傳與眾不同可以使

天仙降臨祖先顯示轉禍為福回民不靖者爭師之稱為新

教而稱老教為舊教回民厭舊喜新新教傳習日盛黨羽日

多乾隆二十七年新教賀麻六壺等遂別創禮拜寺三所三

十四年舊掌教韓武韓哈濟等稟知循化同知斷令將新創

寺所封閉仍歸一處禮拜賀麻六壺等懷恨即以韓武等串

通馬國寶斂錢惑眾捏稱大聖人到天入地成仙誘人等情

赴按察司衙門控告而韓武等又訴稱二十七年馬明心夥

同楊四子等潛入撒拉爾與賀麻六壺馬索南韓哈勻馬六

個蘇四十三等妄言禍福煽惑愚人前經地方官將馬明心

等驅逐出示嚴禁勒貝賀麻六壺等永不招留外來遊匪甘

結詎賀麻六壺等於今又在章哈寺牆壁畫圈為門妖言門

內顯示聖人天仙等情旋經審明兩造所控俱屬誣詞將賀

麻六壺韓武均照誣告人死罪未決律擬以杖流賀麻六壺

首先生事從重發烏魯木齊給兵丁為奴韓哈濟等擬以枷杖韓哈勻蘇四十三等訊不知情均予免議并議稱該犯等教雖稍有異同實非兩教既不願合為一處亦不必強之使合轉啓譽端應飭令十二工各舉身家殷實品行端方一人充當掌教令其約束稽查其新寺三所係回民禮拜之地應聽分開禮拜以杜爭競各工回民遇有婚喪所延掌教聽從本家之便不得勒令延請等因咨部完結然而回民見小性復剛悍因爭布施往往互相讎殺四十六年三月舊教韓哈拉旬韓五個又以蘇四十三等請馬明心韓二個等另立新教因伊叔韓哈戶長不肯隨從被其殺死共殺舊教四十餘人受傷一百餘人一切家財牲畜糧食搶掠無存等情在總督衙門控告總督勒爾謹飭蘭州知府楊士璣赴循化查辦

並檄河州協副將新柱前往彈壓新協遂領弁目二百餘人先行十八日抵白莊先是未到數十里蘇四十三等偽為舊教率眾在道旁跪接泣訴新教欺凌之苦新協信以為實也撫之曰汝等勿憂俟我到彼必將新教全行剿滅不知跪接者正新教也蘇四十三等退而謀曰汝等聞新協台之言乎事已至此與其駢首受戮曷若先發制人眾皆唯唯是夜天色暝晦蘇四十三等糾集新教一千數百人圍白莊新協聞聲知有變而黑暗中不辨賊遠近遽令弁兵登屋施放鎗箭詎意逆賊奸猾初時止在莊外四面鳴鎗喊殺虛作攻撲之勢三更後官兵鎗箭稍鬆乃一擁而入新協倉猝被戕弁兵稀得脫者而楊太守在起台堡尚未之知也賊連夜狂奔十九日早突入起台堡楊太守與韓土司同遇害遂於二十一

日子刻圍河州矣

逆黨馬復才供河州大禮拜寺會人這經

德清戴氏

聲默念新教是大聲高念或者搖頭跳舞自三十六年馬明  
心會各處阿渾念經有河州阿渾馬來運說是邪教不肯遵  
從故與他們舊教時相讐殺本年正月內因丁藏莊念經起  
衅兩家打仗各教傷數十人舊教人告了狀省城委了官來  
我們出來分辦遇不見新副將聽他說要動兵剿我們蘇四  
三韓二個們商量不如先動手就把新副將殺了後來聽見  
楊知府在起台堡因想已經殺二個們的主意不如連楊知府  
也殺了這都是蘇四十三韓二個們的主意不如連楊知府  
了河州圍了城原想殺馬來遲子孫還要滅舊教的人不  
意韓二個中礮身死二更時候將城攻破搶了驛馬糧食火  
藥蘇四十三等又想在河州住了一日二十三日聽說馬明心  
守巖緊不敢過去在河州住了一日二十三日聽說馬明心  
已被省城擊去收監蘇四十三等都從小路趕上蘭州要救  
馬明心二十四日到洮河沿渡船已被兵打壞有洪濟橋  
唐家川六處回回紫筏渡他們過去這六處回回都是馬明  
心新教徒弟內有許多人跟隨蘇四十三來蘭州打仗殺傷  
不少的也

太平日久營務廢弛當圍城時知州周植與都司李奇相商將  
軍庫舊貯大礮運往城頭施放乃因用藥過多礮炸反傷兵

丁數人再放適逆首韓二個乘馬指揮中礮身死稍免屠戮  
之慘河州協標兵額九百餘名本不足數又多老弱其壯健  
者多在白莊陣亡賊至守陴寥寥知州率居民守禦道士喇  
嘛亦上城充數逆首登高一望瞭如指掌兼值是夜霧雨交  
作賊遂攀雲梯而上焚東北城樓男女自戕者不可勝計  
番回十二工分隸韓昱韓光祖二土司乃平時漫無約束聽其  
招留遊匪傳習邪教以致釀成大患及至殺官破堡闌入內  
地圍逼省城始傳集舊教士兵搜剿賊巢擒逆首家屬及  
頭目蘇五個查五十八韓亥一卜等數人亦已晚矣雖後來  
率領士兵隨營打仗頗為出力究無解於從前之失察也仰  
荷

聖恩高厚加銜晉秩

長留閣正本

賞戴花翎念其功而恕其過當何如感激圖報於生生世世邪

州志云撒刺族頭目韓大用韓炳崇穴原在積石關外最為豪強近關居民大受其害即二土司之祖也

土司韓昱始祖韓寶元時世襲撒拉爾達魯花赤明初歸附授撒拉爾世襲百戶正統初以軍功升授世襲千戶

國朝雍正元年十一世韓炳隨撫遠大將軍年羹堯征青海有功奏授世襲保安堡撒拉二千戶即韓昱之祖也乾隆四十

六年韓昱帶領舊教土兵協剿逆回奮勇殺賊身受石傷蒙旨賞賜三品頂戴花翎今子韓輝宗於嘉慶六年承襲土千戶

奉

旨加恩賞給四品頂戴

土司韓光祖始祖韓沙班本河州右所軍籍明初歸附嘉靖間始授土百戶世職接替管理族務

附

土

國朝雍正初年韓大用隨撫遠大將軍征青海有功經寧遠大將軍岳鍾琪奏授世襲保安堡撒拉士千戶鈐束番回即韓光祖之曾祖也韓光祖於乾隆四十六年帶領舊教土兵協剿逆回奮勇先登擒渠滅賊蒙

恩賞給四品頂戴花翎嘉慶二年調征教匪在四川巴東縣云一軍營病故子韓卿於嘉慶三年承襲土千戶

土司韓成璘始祖韓哈麻本山外川北族人明初與兄番僧韓端月堅藏當作錯率領部番歸附招中茶馬永樂間賜韓哈麻

安撫使韓端月堅藏普綱永昌二寺都綱管理珍珠打刺二族土務世襲七世世襲安撫使韓完卜都綱韓羅漢於萬曆

間火酋內犯屢立戰功加授韓完卜指揮使韓羅漢國師世襲襲明末流寇之亂印劄遺失無憑請襲十世韓世公與兄番

僧韓且令札矢以

國朝雍正間青海不靖帶領土兵把守關隘事平乾隆六年奉旨照舊承襲指揮使都綱韓世公即韓成璘之祖也

王觀察名曾翼字敬之號為陂江蘇吳江人乾隆庚申科進士時官甘涼道金城紀事詩云西陸

鎖鑰控巖疆民物恬熙化日長萬里梯航通徼塞百年耕牧

靖氏羌無端戾氣鍾羣醜敢向潢池試陸梁畢竟么魔成底

事當車空自笑螳螂新彊考定以來蘭州省會之地風物繁華文恬武嬉不圖有逆回之變工

分十二號番回新舊紛爭結禍胎數載養癰終潰決一朝奮

臂怒喧颶副戎碎首原無備太守銜鬚劇可哀倉卒鴉關傳

警報徵兵四出羽書催撒拉番地也回族居之分十二工環列老鴉關外領以土司隸循化同知

乾隆二十六年有安定官川回民馬明心從口外歸詎言別受真經倡立新教撒拉逆回蘇四十三等奉為師舊教回民

斥為邪說至互相闕殺屢訟於官弗能禁也四十六年三月有舊教赴省許告蘇四十三等謀為不軌制府委蘭州府揚

士機赴河州查勘並檄副將新柱前往彈壓十八日新協至百子莊蘇四十三等聚眾藏兵器偽迎新協呵其爭教滋事逆首遽呼噪新協倉卒被戕賊眾擁入奇台堡圍揚守同日遇害二十日省城聞信制府飛章入告親率標兵往剿並檄固原涼莊甘肅各路滿漢兵赴河州會剿焉元戎昨夜度摩雲袍罕城頭已被焚

洮水有舟供暗渡尖山無壘駐偏軍飄風迅勢驚何驟厝火

危言悔弗聞薄莫人聲俄鼎沸皋蘭月黑裏妖氛制府自省趨河州二

十日宿摩雲關二十一日過沙泥站間賊人攻搶河州之信疾馳入秋道城賊人既陷河州休息一日偵知制府駐秋道

省城無備乃謀從唐家川洪濟橋滾豆坡小路徑襲蘭州先是河州失事有建議河蘭間道賊必走尖山此處憑高據險

宜速遣兵防守大吏是其言而未及用賊眾於二十三日潛抵洮河渡有唐家川洪濟橋從逆新教儀仗以渡遂踰滾豆

坡過尖山二十五日晡時焚西園河橋鎖斷駛奔艘龍尾山房屋廟宇數處而蟻聚蘭城矣

傍起賊濠百尺危樓接烽火萬家登屋聽呼號乘陴下石梯

衝碎負土填門鑄鍵牢辛苦嬰城老方伯韜中蟻虱枕邊刀

賊奄至蘭燒斷河橋以遏河西赴剿之兵盡銳攻外郭大肆焚掠火及譙樓時制府同臬司俱在狄道督標將卒大半隨

往存城甚少藩司王廷贊同蘭州道薩布候補道永慶督  
率皋蘭令蔣重熹及外州縣在省者分駐四門集民夫晝夜  
防守廿七日賊破西南關進薄內城城內竭力堵禦乘隙軍  
民爭下石擊賊爬城者碎其首並壞其雲梯又四門塞土甚  
堅急難燒破城內潛伏細作多被士民搜戮賊氣稍沮廿八  
日涼莊兵至登城協守人心漸定廿九日固原兵至擊賊眾  
遂復西關省玉帳牙旗駐近郊重英駟介自逍遙隔河飛礮  
城始保無虞

同兒戲閉壘觀圖任客嘲憤我曾無尚方劍羞他枉插總戎  
貂最憐陷陣捐軀者盼斷援兵恨未消提督和率師赴援  
通河橋斷遂紮金城

關遷延不進惟隔河放礮每日繪陣圖而已時莊浪指揮使  
魯璠奉調率土兵二百赴省會涼州都司王宗龍日同抵蘭  
二將與賊遇帥眾陷陣仁提督先許策應竟未發賊鋒小挫  
兵致土兵傷亡畧盡魯璠亦帶重傷王宗龍戰沒賊鋒小挫  
豈紆憂壁上諸軍盡逗遛 禁旅初聞過赤縣捷書遽報復

河州交綏輒諱與尸辱聚議真同築室謀坐使依山成負固  
居然高壘復深溝賊初鼓銳攻城未逞擇地迨攻圍不下氣  
亦漸衰時制府回自狄道駐兵白塔山有

舊教回眾千餘隨軍自効西安伍將軍馬提督奉詔率滿漢  
官兵先後至蘭仁提督亦率眾渡河與涼莊固原之兵會軍

聲頗振若乘賊鋒小挫合謀圍剿可一鼓而殲也乃兩提互  
相觀望各鎮亦不協謀制府方以恢復河州賊指日可平奏  
請停止京兵築室道謀軍心日懈小與賊遇便有損徵師二  
傷賊人得以依山據險深塹固壘漸成持久之勢矣徵師二  
萬集轅門茶火遙看殺氣屯豈謂衝鋒憑舊教更煩馳檄調  
降番軍心轉為承平情月餉曾忘養恩痛惜原州圖總鎮  
重圍孤掌未歸元甘省各提鎮並阿拉善蒙古兵俱集省垣  
惟續調四川屯練降番道遠未至計官兵

不啻二十倍於賊奈兵多轉怯專仗老教回民衝鋒接仗而  
官兵纔一交鋒人懷縮將弁鮮不擇便自全承平日久訓  
練全弛專閫得辭其咎與四月十九日固原鎮圖欽保突陣  
無援空回匹騎家丁尋覓僅認血襟又遊擊王三杰同日陣  
亡允吾古縣屹邊衝河右屏藩作鎮雄南去蘭垣通省會西  
來鳥道接隄中警心風鶴留屏卒騎角金湯遏近攻帕首韉  
刀等閒事書生誰料學從戎平番漢允吾縣屏蔽涼州毗連  
省城接壤西寧有間道通循化

賊巢實為要地三月二十一日翼在涼州聞逆回之信即兼  
程馳赴平番時莊浪兵先經調省城中留卒不滿百人稟聞  
制府截留續調涼兵之過平者得三百餘人加雇民夫督同  
地方官巡守並撥兵把守紅城西大通各隘口直待省城解

嚴平番始赫怒  
得安堵云

王誅詎肯寬重臣銜

命肅登壇相公威望平滇蜀制府勲名踵范韓健將紛從天上

降游魚能向釜中安金鉦一動重圍蹙臍噬空悲兔脫難相

國和大司農先後來蘭視師李相國總制陝甘兩相華林守

險竟如何沅整填平迅躍過一雲焚巢飛烈焰千軍搗穴競

揮戈殲渠已似鯨懸鬣獲醜紛如雉入羅八百明駝馳露布

洗兵端合挽天河官軍逼賊日有擒誅祇以溝壑深峻未

糧盡水竭自當內亂六月十五日賊果突圍借一我軍奮勇

進剿逆首蘇四十三及海朝宗周阿渾等同日授首惟餘韓

一的巴拉及阿渾數人官軍連日進攻填沅平整惟留華林

寺片掌之地迨七月六日縱火燒寺諸軍湧入斬首四百餘

緝韓逆諸阿渾均就誅戮餘無官川餘孽剷根林洪濟橋邊

竄脫者由八百里飛章奏捷縛竄逋始悟經堂成毒阱誰教編筏助屯徒妻奴駢首高原

德清戴氏

野孩穉投荒走瘴區爾日差償蹂躪慘都人環矚一歡呼先

賊人蠢動之初王藩司密檄安定令將馬明心擒解於圍城

內正法而官川伏羌等處徒黨甚夥軍興未遑搜剿又唐家

川洪濟橋一帶回民被時編筏渡河有從逆至蘭者有留本

處者亦有中道潛歸者節經拏獲解省隨時辦理賊平前數

日臬司往官川伏羌搜拏馬明心家屬徒黨拆毀禮拜寺賊

平後藩司平慶道同赴河州唐家川洪濟橋等處搜拏遺孽

陸續解省兩相國具奏其應正法者即駢誅應遣者奉

旨婦女給厄魯特為奴幼孩發天心惻若軫窮簷優卹

極邊烟瘴百姓環覩稱快溫綸降再三發粟徧招人戶復蠲租重沐

主恩覃盡除稂莠嘉禾植纔過雷霆雨露甘為語長官勤撫馭

莫教枹鼓廢耕蠶軍興之初有帝格苗頑尚有三旬逆命周征獵狁曾聞六月興師既自外

長雷閣正本

於生成莫逃於鈇鉞矧在金甌無缺玉燭方調豈其蕞爾么  
麼得以公然盜弄者哉原夫犬羊雜種秉犢性以難馴因而  
蠻觸交爭穴蟻封而健鬪吏非明斷養惡漸不知恩兵匪糾  
桓耀威適以示弱謀無曲突徒喙上客之焦頭覆有前車屢  
動旁觀之扼腕然而狂烽驟熾懸知就死堪哀毒燄空張早  
卜駢誅在即赫斯

王怒紆

睿算於

九重吉是師貞奏虜功於二相譬若天清日麗偶來彗孛之侵  
俄焉霧滅烟消果見蟲沙之化爰從煽動以致蕩平畧陳事  
之始終不計詩之工拙敢謂韓詩柳雅竊步後塵庶幾目見  
耳聞都為實錄云爾辛丑中秋後三日芍坡識

唐

又自題辛丑金城紀事詩後云洮河南下接金城赤子潢池竟  
弄兵談虎今宵猶色變燃犀前事極心驚熟窺全局分功過  
細讀新詩識姓名豈但籌邊添白髮磨崖從古仗書生一時  
平當局事恬嬉變起蒼黃蔓易滋搏兇固須全力赴亡羊深  
惜補牢遲杜公諸將真詩史裴相平淮有頌碑山鬼國殤都  
入詠那堪展卷淚交頤二

吳太守

名鎮字信辰號松崖口口口口科進士狄道州人官至沅州府知府

殉難訓導杜鳳山

墓碑云積石為九曲之橐鑰鍾靈毓秀代出偉人明莊毅王  
公之後參議朱公名家仕者以忠烈死闖難具載明史夫朱  
公身膺爵秩以死勤事分所宜然至於首霜寒儒身未之官  
而堂堂以身殉難如杜君鳳山者抑又難矣君諱綵字錦章  
鳳山其別號也少而好學遊庠食餼後旋以歲薦至乾隆辛

丑五月部選南鄭縣訓導而君已於三月二十一日遇難而死矣嗚呼痛哉蓋循化逆回倡亂猝至河州士民多號泣登陴從官守禦既而以眾寡不敵兼黑夜霧雨交作城遂陷時走避者皆免而君獨具衣冠訣妻子端坐家中賊至大罵不屈遂身被三創而死君誠烈丈夫哉往余作令山東壽張之難凡紳士死節者悉蒙褒贈今鳳山之忠義寧有殊乎而州府申司為新督李閣部所抑惜哉然寒儒臨難致身而忠感郊庠義留桑梓君亦可以無憾矣時同日死賊者有廩生宋廣文朱文遠新生呂紹皆君之後進而為知州周公司城上犒士之錢糧者君死數年後子登瀛始礮墓石余因為記其大畧庶君之赫赫大節或與積石名山並傳不朽焉爾

王者蘭書後云宋廣文朱文遠呂紹皆恂恂恭謹書生而呂尤年少王孝廉嘗掌教鳳林書院蓋親見三君云



